



五代史記序

孟子曰三代之得天下也以不仁自生民以來一治一亂
民以來一治一亂旋相消長未有去仁而興積仁而亡者
甚哉五代不仁之極也其禍敗之復殄滅剝喪之威亦其
效耳夫國之所以存者以有民民之所以生者以有君方
是時上之人以慘烈自任刑戮相高兵革不休夷滅播禍
置君猶易吏變國若傳舍生民膏血塗草野骸骨暴原隰
隰君民相昧如髦蠻草木幾何其不胥為夷也逮皇天悔
禍真久出崇乎易暴以仁轉禍以德民咸保其首領收其族
屬各正性命豈非天邪方夷夏相蹂兵連亂結非無忠良
豪傑之士竭謀單智以緩民之死乃堙沒而無聞矣否閉

極而秦道升聖人作而萬物覩指揮中原兵不頓刃向之
滔天巨猾搖毒煽禍以害斯人者蹈鼎鑊斧鑕之不暇豈
非人邪天與人相為表裏和同於無間聖人知天之所助
人之所歸國之所恃以為固者仁而已非特三代然也堯
舜之盛漢唐之興秦隋之失魏晉之亡南北之亂莫不由
此也五代距今百有餘年故老遺俗往往垂絕無能道說
者史官秉筆之士或文采不足以耀無窮道學不足以繼
述作使五十有餘年間廢興存亡之迹奸臣賊子之罪忠
臣義士之節不傳於後世來者無考查焉惟廬陵歐陽公
慨然以自任蓋潛心累年而後成書其事跡實錄詳於舊
記而褒貶義例即師春秋由遷固而來未之有也至於論
朋黨宦女忠孝兩全義子降服豈小補哉豈小補哉

五代史記目錄

第一卷

梁本紀第一

太祖上

第二卷

梁本紀第二

太祖下

第三卷

梁本紀第三

末帝

第四卷

唐本紀第四

莊宗上

第五卷

唐本紀第五

莊宗下

第六卷

唐本紀第六

明宗

第七卷

唐本紀第七

愍帝

廢帝

第八卷

晉本紀第八

高祖

第九卷

晉本紀第九

出帝

第十卷

漢本紀第十

高祖

隱帝

第十一卷

周本紀第十一

太祖

第十二卷

周本紀第十二

世宗

恭帝

第十三卷

梁家人傳第一

太祖文惠皇后王氏

元貞皇后張氏

陳昭儀

李昭容

末帝妃張氏

妃郭氏

太祖子友裕

友珪

友璋

友雍

友徽

友孜

友文

兄全昱

全昱子友諒

友能

友詢

兄存子友寧

友倫

第十四卷

唐太祖家人傳第二

太祖劉太妃

貞簡皇后曹氏

莊宗神閔敬皇后劉氏

淑妃韓氏

德妃伊氏

太祖子存美

存霸

存禮

存渥

存乂

存確

存紀

太祖弟克讓

克脩

克脩子嗣弼

嗣肱

克恭

克寧

克寧子燾

莊宗子繼岌

繼潼

繼嵩

繼蟾

繼堯

第十五卷

唐明宗家人傳第三

明宗和武憲皇后曹氏

昭懿皇后夏氏

宣憲皇后魏氏

淑妃王氏

愍帝哀皇后孔氏

明宗子從璟

從榮

從益

姪從璨

從璋

從溫

從敏

第十六卷

唐廢帝家人傳第四

皇后劉氏

子重吉

重美

第十七卷

晉家人傳第五

高祖皇后李氏

太妃安氏

出帝皇后馮氏

高祖子重信

重义

重英

重進

重睿

重杲

高祖叔父萬友

萬友子敬威

敬贍

萬銓

萬銓子敬暉

高祖兄敬儒

高祖弟敬德

敬殷

重胤

出帝子延煦

延寶

第十八卷

漢家人傳第六

高祖皇后李氏

高祖弟崇信

高祖子承訓

承勳

姪贍

第十九卷

周太祖家人傳第七

聖穆皇后柴氏

淑妃楊氏

貴妃張氏

德妃董氏

子侗

信

姪守愿

奉超

遜

第二十卷

周世宗家人傳第八

柴守禮

世宗貞惠皇后劉氏

宣懿皇后符氏

後立皇后符氏

世宗子誼

誠

誠

熙讓

熙謹

熙誨

第二十一卷

梁臣傳第九

敬翔

朱珍

李唐賓

龐師古

葛從周

霍存

張存敬

符道昭

劉捍

寇彥卿

第二十二卷

梁臣傳第十

唐懷英

劉鄩

牛存節

張歸霸

歸厚

歸弁

王重師

徐懷玉

第二十三卷

梁臣傳第十一

楊師厚

王景仁

賀瓌

王檀

馬嗣徽

王虔裕

謝彥章

第二十四卷

唐臣傳第十二

郭崇韜

安重誨

第二十五卷

唐臣傳第十三

周德威

符存審

史建瑋

子匡翰

王建及

元行欽

安金全

袁建豐

西方鄴

第二十六卷

唐臣傳第十四

符習

烏震

孔謙

張廷朗

李巖

李仁矩

毛璋

第二十七卷

唐臣傳第十五

朱弘昭

馮贊附

劉延朗

康思立

康義誠

藥彥稠

第二十八卷

唐臣傳第十六

豆盧革

盧程

任圜

趙鳳

李龍吉

張憲

蕭希甫

劉贊

何瓚

第二十九卷

晉臣傳第十七

桑維翰

景延廣

吳巒

第三十卷

漢臣傳第十八

蘇逢吉

史弘肇

楊邠

王章

劉銖

李業

聶文進

後贊

郭允明

第三十一卷

周臣傳第十九

王朴

鄭仁誨

扈載

第三十二卷

死節傳第二十

王彥章

裴約附

劉仁贍附

第三十三卷

死事傳第二十一

張源德

夏魯奇

姚洪

王思同

張敬達

翟進宗

沈斌

王清

史彥超

孫晟

第三十四卷

一行傳第二十二

鄭遨

張薦明

石昂

程福贇

李自倫

第三十五卷

唐六臣傳第二十三

張文蔚

楊涉

張策

趙光逢

薛貽矩

蘇循杜曉附

第三十六卷

義兒傳第二十四

李嗣昭

嗣本

嗣恩

存信

存孝

存進

存璋

存賢

第三十七卷

伶官傳第二十五

敬新磨

景進

史彥瓊

郭從謙

第三十八卷

宦者傳第二十六

張承業

張居翰

第三十九卷

雜傳第二十七

王鎔

王處直

羅紹威

劉守光

第四十卷

雜傳第二十八

李茂貞

李仁福

韓建

韓遜

楊崇本

溫韜

高萬興

第四十一卷

雜傳第二十九

盧光稠

雷滿

趙匡疑

譚全播

鍾傳

第四十二卷

雜傳第三十

朱宣

王師範

孟方立

趙犖

瑾

李罕之

王珂

馮行襲

第四十三卷

雜傳第三十一

氏叔琮

李彥威

李振

裴迪

韋震

孔循

孫德昭

王敬

蔣殷

第四十四卷

雜傳第三十二

劉知俊

丁會

賀德倫

閻寶

康延孝

第四十五卷

雜傳第三十三

張全義

朱友謙

袁象先

朱漢賓

段凝

劉玘

周知裕

陸思鐸

第四十六卷

雜傳第三十四

趙在禮

霍彥威

房知溫

王晏球

安重霸

王建立

康福

郭延魯

第四十七卷

雜傳第三十五

華溫琪

裴從簡

張筠 弟錢

李周

李承約

相里金

馬全節

安彥威

劉景巖

第四十八卷

雜傳第三十六

盧文進

楊思權

劉審交

楊彥詢

劉處讓

張希崇

張廷蘊

皇甫遇

李瓊

李金全

王弘贄

王周

高行周

白再榮

第四十九卷

雜傳第三十七

翟光鄴

皇甫暉

王進

孫方諫

第五十卷

雜傳第三十八

王峻

劉詞

行珪

安叔千

馮暉

唐景思

常思

王殷

王環

折從阮

第五十一卷

雜傳第三十九

朱守殷

董璋

范延光

婁繼英

安重榮

安從進

楊光遠

第五十二卷

雜傳第四十

杜重威

李守貞

張彥澤

第五十三卷

雜傳第四十一

王景崇

趙思綰

慕容彥超

第五十四卷

雜傳第四十二

馮道

李珣

李琪

鄭珏

李愚

盧導

司空頴

第五十五卷

雜傳第四十三

劉昫

盧文紀

馬胤孫

劉岳

盧損

崔悅

第五十六卷

雜傳第四十四

和凝

馮玉

呂琦

何澤

史珪

第五十七卷

姚顛

馬縞

崔居儉

李譯

趙瑩

盧質

薛融

王權

龍敏

雜傳第四十五

李崧

賈緯

張允

裴皞

裴羽

馬重績

第五十八卷

司天考第一

第五十九卷

司天考第二

第六十卷

職方考第三

第六十一卷

吳世家第一

揚行密

子渥 隆演 一溥

徐温

第六十二卷

南唐世家第二

李昇

子景通

景子煜

第六十三卷

前蜀世家第三

王建

子衍

第六十四卷

後蜀世家第四

孟知祥

子昶

第六十五卷

南漢世家第五

劉隱

弟龍天

龍美子玠

晟

晟子振

第六十六卷

楚世家第六

馬殷

子希聲

希範

希廣

劉言

周行逢

第六十七卷

吳越世家第七

錢鏐

子元囁

元囁子佐 愨

第六十八卷

閩世家第八

王審知

子延翰 鑄 鑄子繼鵬
子延義 延政

第六十九卷

南平世家第九

高季興

子從誨 從誨子保融 保融子繼冲
保勗 保融子繼冲

第七十卷

東漢世家第十

劉晏

子承鈞 承鈞子繼恩 繼元

第七十一卷

十國世家年譜第十一

第七十二卷

四夷附錄第一

夷狄

第七十三卷

四夷附錄第二

石欲

第七十四卷

四夷附錄第三

奚

吐渾

達韃

党項

突厥

吐蕃

回鶻

于闐

高麗

渤海

新羅

南詔

占城

黑水

特柯

本紀十二卷

列傳四十五卷

司天職方考三卷

世家年譜十卷

四夷附錄三卷

五代史記目錄終

五代史記卷第一

梁本紀一

宋歐陽脩撰徐無黨注明汪文盛高凝傳

本紀因舊以為名本原其所始起而紀次其事與時也即位以前其事詳原本其所自來故曲而脩之見其起之有漸有暴也即位以後其事略居尊任重所責者大故所書者簡惟簡乃可立法

太祖神武元聖孝皇帝姓朱氏宋州碭山午溝里人也其

父誡之五經教授鄉里生三子曰全昱存溫變諱其書名美在稱王注中

生與其母傭食蕭縣人劉崇家全昱

無他材能然為人頗長者存溫勇有力而溫尤兇悍唐僖

宗乾符四年黃巢起曹濮存溫亡入賊中巢攻嶺南存戰

死巢陷京師以溫為東南面行營先鋒使攻陷同州以為

同州防禦使是時天子在蜀諸鎮會兵討賊諸鎮記當時語也唐謂節度使

所治軍州為藩鎮故有赴鎮移鎮之語溫數為河中王重榮所敗屢請益兵於

巢巢中尉孟楷抑而不通温客謝曠說温曰黃家起於草莽幸唐襄亂直投其隙而取之爾非有功德興王之業也此豈足與共成事哉今天子在蜀諸鎮之兵日集以謀興復是唐德未馱於人也且將軍力戰於外而庸人制之於內此章邯所以背秦而歸楚也温以為然乃殺其監軍嚴實自歸于河中因王重榮以降都統王鐸承制拜温左金吾衛大將軍河中行營招討副使天子賜温名全忠中和三年二月拜全忠汴州刺史宣武軍節度使四月諸鎮兵破巢復京師巢走藍田七月丁卯全忠歸于宣武是歲黃巢出藍田關陷蔡州節度使秦宗權叛附于巢遂圍陳州徐州時溥凡稱某州其八皆其節度使為東南面行營兵馬都統會東諸鎮兵以救陳陳州刺史趙犖亦乞兵于全忠溥雖為都統

而不親兵四年全忠乃自將救犖率諸鎮兵擊敗巢將黃鄴尚讓等犖以全忠為德始附屬焉是時河東李克用下兵太行度河出洛陽與東兵會擊巢巢已敗去全忠及克用追敗之于鄆城巢走中牟又敗之于王滿巢走封丘又大敗之巢挺身東走至泰山狼虎谷為時溥追兵所殺九月天子以全忠為檢校司徒同中書門下平章事封沛郡侯光啓二年三月進爵王義成軍亂逐其節度使安師儒推牙將張駮為留後師儒來奔殺之遣朱賓李唐賓陷滑州以胡真為留後十二月徙封吳興郡王自黃巢死秦宗宗權稱帝陷陝洛懷孟唐許汝鄭州遣其將秦賢盧瑋張晳攻汴賢軍拔橋晳軍北郊瑋軍萬勝環汴為三十六柵王顧兵少不敢出始而稱名既而稱爵既而稱帝漸也爵至王而後稱著其逼者乃遣朱珍募兵

於東方而求救于兖鄆三年春珍得兵萬人馬數百匹以歸乃擊賢板橋拔其四柵又擊塘萬勝塘敗投水死宗權聞塘等敗乃自將精兵數千柵北郊五月兖州朱瑾鄆州朱宣來赴援流俗本宣從王者非王置酒軍中中席王陽起如廁以輕兵出北門襲晔而樂聲不輟晔不意兵之至也兖鄆之兵又從而合擊遂大敗之斬首一萬餘級宗權與晔夜走過鄭屠其城而去宗權至蔡復遣張晔攻汴王聞晔復來登封禪寺後岡望晔兵過遣朱珍躡之戒曰晔見吾兵必止望其上當速返毋與之鬪也已而晔見珍在後果止珍即馳還王令珍引兵蔽大林而自率精騎出其東伏大冢間晔止而食食畢拔旗幟馳擊珍珍兵小却王引伏兵橫出斷晔軍為二而擊之晔大敗脫身走宗權怒斬晔而河

陽陝洛之兵為宗權守者聞蔡精兵皆已殲於汴因各潰去故諸葛奕將李罕之取河陽張全義取洛陽以來附十月天子使來賜王紀功碑朱宣朱瑾兵助汴已破宗權東歸王移檄交鄆誣其誘汴亡卒以東乃發兵攻之取其曹州濮州遂遣朱珍攻鄆州大敗而還十二月天子使來賜王鐵券及德政碑淮南節度使高駢死楊行密入揚州天子以王兼淮南節度使王乃表行密為副使以行軍司馬李璠為留後璠之揚州行密不納文德元年正月王如淮南至宋州而還是時秦宗權陷襄州以趙德諱為節度使德諱叛于宗權以來附天子因以王為蔡州四面行營都統以德諱為副三月庚子僖宗崩天雄軍亂囚其節度使樂彥真其子相州刺史從訓攻魏來乞兵遣朱珍助從訓

攻魏而魏軍殺彥真從訓戰死魏人立羅弘信珍乃還張全義取河陽逐李罕之罕之奔于河東李克用遣兵圍河陽全義來求救遣丁會牛存節救之擊敗河東兵于沁河五月行營討蔡州圍之百餘日不克是時時溥已為東南面都統又以王統行營而溥猶稱都統王乃上書論溥討蔡無功而不落都統且欲激怒溥以起兵端初高駢死淮南亂楚州刺史劉瓚來奔納之及王兵攻蔡不克還欲攻徐乃遣朱珍將兵數千以東聲言送瓚還楚州溥怒論已又聞珍以兵來果出兵拒之珍戰于吳康大敗之取其豐蕭二縣遂攻宿州下之珍屯蕭縣別遣龐師古攻徐州龍紀元年正月師古敗溥于呂梁淮西牙將申叢執秦宗權折其足將檻送京師別將郭璠殺叢篡宗權以來獻王遣

行軍司馬李璠獻俘于京師表郭璠淮西留後三月天子封王為東平王七月朱珍殺李唐賓王如蕭縣執珍殺之遂攻徐州冬大雨水不能屯軍而旋初秦宗權遣其弟宗衡掠地淮南是歲宗衡為其將孫儒所殺儒攻揚行密于揚州淮南大亂行密走宣州儒入揚州大順元年春遣龐師古攻孫儒于淮南大敗而還四月宿州將張筠以宿州復歸于時溥王自將攻之不克初黃巢敗走李克用追之至于冤胸不及而旋過汴駐軍于北郊王邀克用置酒上源驛夜以兵攻之克用踰城而免訟其事于京師天子知曲在汴而和解之至是宰相張濬私與汴交王厚之以賂濬為汴請伐河東唐諸大臣皆以為不可興師濬挾汴力請益堅天子不得已而許之五月以濬為太原四面行營

都統王為東南面招討使然王不親兵以兵三千屬濬而
已濬屯于陰地河東叛將馮霸殺潞州守將李克恭來降
遣葛從周入潞州李克用遣康君立攻之從周走河陽九
月王如河陽十月天子以王兼宣義軍節度使遂如滑州
假道于魏以攻河東且責其軍須亦所以怒魏為兵端也
魏人果以謂非兵所當出而辭以糧乏皆不許於是攻魏
十一月張濬之師大敗于陰地二年正月王及魏人戰于
內黃大敗之屠故元城羅弘信來送款十月克宿州十一
月曹州將郭紹寤殺其刺史郭饒來降十二月丁會敗朱
瑾于金鄉景福元年二月攻鄆州前軍朱友裕敗于斗門
王軍後至又敗而還冬友裕取濮州遂攻徐州二年四月
龐師古克徐州殺時溥王如徐州以師古為留後遂攻交

鄆乾寧元年二月王及朱宣戰于漁山大敗之二年八月
又敗宣于梁山十一月又敗之于鉅野交鄆求救于河東
李克用發兵救之假道于魏既而魏人擊之克用怒大舉
攻魏羅弘信來求救遣葛從周救魏是歲李克用封晉王
三年五月戰于洹水擒克用子落落送于魏殺之七月鳳
翔李茂貞犯京師天子出居于華州王請以兵赴難天子
優詔止之又請遷都洛陽不許四年正月龐師古克鄆州
王如鄆州以朱友裕為留後遂攻交州朱瑾奔于淮南以
葛從周為交州留後九月攻淮南龐師古出清口葛從周
出安豐王軍屯于宿州楊行密遣瑾先擊清口師古敗死
從周亟返兵至于泚河瑾又敗之王懼馳歸光化元年三
月天子以王兼天平軍節度使四月遣葛從周攻晉之山

東取邢洛磁三州襄州趙匡凝自其父德謹時來附匡凝
又與楊行密李克用通而其事泄七月遣氏叔宗康懷英
攻匡凝取其祕隨鄧三州

唐書地理志唐
州則是天祐二年唐州舊名在至三年始更為
必光化之初未當有必州之名今書為必則誤也匡凝請和乃止

十二月李罕之以潞州來降二年幽州劉仁恭攻魏羅紹
威來求救王救魏敗仁恭于內黃四月遣氏叔琮攻晉太
原不克七月李克用取澤潞十一月保義軍亂殺其節度
使王珙推其牙將李璠為留後其將朱簡殺璠來降以簡
為保義軍節度使三年四月遣從周攻劉仁恭之滄州取
其德州及仁恭戰于老鴉堤大敗之八月晉取洛州王如
洛州復取之是時鎮定皆附于晉遂攻鎮州破臨城王鎔
來送款進攻定州王郛奔于晉其將王處直以定州降唐

宦者劉季述作亂天子幽于東宮天復元年正月護駕都
頭孫德昭誅季述天子復立封王為梁王遣張存敬攻王
珂于河中出含山下晉絳二州王珂求救于晉晉不能救
乃來降三月大舉攻晉氏叔琮出太行取澤潞葛從周張
存敬侯言張歸厚及鎮定之兵皆會于太原圍之不克遇
雨而退五月天子以王蕪河中尹護國軍節度使六月晉
取慈隰自劉季述等已誅宰相崔胤外與梁交欲假梁兵
盡誅宦者而鳳翔李貞茂邠寧王行瑜等皆遣子弟以精
兵宿衛天子宦者韓全誨等亦因恃以為助天子與胤計
事宦者屬耳頗聞之乃選美女內之宮中陰令伺察其實
父之果得胤奏謀所以誅宦者之說全誨等大懼日夜相
與涕泣思圖胤以求全胤知謀泄事急即矯為制召梁兵

入誅宦者十月王以宣武宣義天平護國兵七萬至于河中取同州遂攻華州韓建出降全誨等聞梁王兵且至即以岐邠宿衛兵劫天子奔于鳳翔王乃上書言胤所以召之之意天子怒罷胤相責授工部尚書詔梁兵還鎮全引兵去攻邠州屯于二原邠州節度使楊崇本以邠寧慶衍四州降崔胤奔于華州二年春王退軍于河中晉攻晉絳遣朱友寧擊敗晉軍于蒲縣取汾慈隰遂圍太原不克而還汾慈隰復入于晉四月友寧引兵西至興平及李茂貞戰于武功大敗之王兵犯鳳翔茂貞數出戰輒敗遂圍之十一月鄜坊李周彝以兵救鳳翔王遣孔勅龍表鄜州虜周彝并之族徙于河中周彝乃降是時岐兵屢敗而圍父城中食盡自天子至後宮皆凍餒三年正月茂貞殺韓全誨等

二十人囊其首下梁軍約出天子以為解甲天子出幸梁軍遣使者馳召崔胤胤託疾不至王使人戲胤曰吾未識天子懼其非是子來為我辨之天子還至興平胤率百官奉迎王自為天子執轡且泣且行行十餘里止之人見者咸以為忠已巳天子至自鳳翔素服哭于太廟而後入殺宦者七百餘人二月甲戌天子賜王回天再造竭忠守正功臣以輝王祚為諸道兵馬元帥王為副元帥王乃留子友倫為護駕指揮使曾三異校定曰三異案家人傳友倫乃王以兄存之子其後中書上議亦皆謂之皇孫以為天子衛引兵東歸天子餞于延喜樓賜楊柳枝五曲初梁丘已西青州王師範遣其將劉鄩襲揚梁兖州王已還梁四月如鄆州遣朱友寧攻青州師範敗之于石樓友寧死九月揚師厚敗青人于臨朐取其棗州師範坐青州降

而鄴亦降友倫擊鞠墮馬死王怒以為崔胤殺之遣朱友
謙殺胤于京師曾三異校定曰三異案家人傳殺胤者宋友謙非友謙其與友倫擊鞠者
皆殺之自天子奔華州王請遷都洛陽雖不許而王命河
南張全義修洛陽宮以待天祐元年正月王如河中遣牙
將寇彥卿如京師請遷都洛陽并徙長安居人以東天子
行至陝州王朝王行在先如東都是時六軍諸衛兵已散
亡其從以東者小黃門十數人打球供奉內園小兒等二
百餘人行至穀水王教醫曹官許昭遠告其謀亂悉殺而代
之然後以聞由是天子左右皆梁人矣四月甲辰天子至
自西都是時曹王李克用岐王李茂貞楚王趙匡胤蜀王
王建吳王楊行密曾三異校定曰三異案克用本紀及茂貞傳建
唐此乃聞梁遷天子洛陽皆欲舉兵討梁王大懼六月楊崇

本復附于岐王乃以兵如河中聲言攻崇本遣朱友恭氏
叔琮蔣玄暉等行弒昭宗崩十月王朝于京師殺朱友恭
氏叔琮十一月攻淮南取其光州攻壽州不克而旋二年
二月遣蔣玄暉殺德王裕等九王于九曲池六月殺司空
裴執轡等百餘人七月天子復使來賜王迎鑾紀功碑王欲
代唐使人諭諸鎮襄州趙匡胤以為不可遣揚師厚攻之
取其唐鄧復郢隨均房七州王如襄州軍于漢北九月師
厚破襄州匡胤奔于淮南師厚取荆南荆南留後趙明奔
于蜀遂出光州以攻壽州不克天子卜祀于南郊王怒
以為蔣玄暉等欲祈天以延唐天子懼改卜郊十一月辛
巳天子封王為魏王相國摠百揆以宣武宣義天平護國
天雄武順佑國河陽義武昭義武寧保義忠義武昭武定

秦靈中盧匡國鎮國荆南忠武二十一軍為魏國備九錫
王怒不受十二月天子以王為天下兵馬元帥王益怒遣
人告樞密使蔣玄暉與何太后私通殺玄暉而焚之遂弒
太后于積善宮又殺宰相柳璨太常卿張延範車裂以徇
天子下詔以太后故停郊三年春魏州羅紹威謀殺其牙
軍來假兵以盧變王為發兵北攻劉仁恭之滄州兵過魏
而紹威已殺牙軍其兵之在外者果皆叛據貝衛潭博州
王以兵悉殺之遂攻滄州軍于長蘆劉仁恭求救于晉晉
人取潞州王乃旋軍

五代史記卷第一

五代史記卷第二

梁本紀二

宋歐陽脩撰徐無黨注明汪文盛高濂傳汝舟校

開平元年春正月壬寅天子使御史大夫薛貽矩來勞軍
宰相張文蔚率百官來勸進夏四月壬戌更名晉甲子皇
帝即位自即位以後大事則書變古則書非常則書意戊辰大赦

故文皆曰大赦天下此書大見志之改元國梁封唐主為

濟陰王謂天子為唐王并汴州為開封州府建為東都以唐東都

為西都廢京兆府為雍州州縣廢置見職方賜東都輔一日

契丹阿保機使袍笏梅老來夷狄來不言朝不貢其禮不言貢

其髮來以見夷狄之來不來不五月丁丑朔以唐相張文蔚

楊涉為門下侍郎御史大夫薛貽矩為中書侍郎同中書門

下平章事戊寅渤海契丹遣使者來夷狄君臣姓名言爵

或書或不不必備或

因其舊史之詳畧但乙酉兄至昱為廣王子友文傳王姣

書其來以示意尔非子而書子友珪郢王友璋福王友貞均王友徽建王姪友

諒衡王友能惠王友誨邵王甲午改樞密院為崇政院太

府御敬翔為使是月潞州行營都指揮使李思安及孟日人

戰敗績我敗曰敗績彼敗之文理六月甲寅平盧軍節度

使韓建守司徒同中書門下平章事秋七月己亥追尊祖

考為皇帝妣為皇后皇高祖諡曰宣元廟號肅祖祖妣范

氏諡曰宣僖曾祖茂琳諡曰光獻廟號敬祖祖妣楊氏諡曰

光孝祖信諡曰昭武廟號憲祖祖妣劉氏諡曰昭懿考誠諡

曰文穆廟號烈祖妣王氏諡曰文惠八月丁卯同州好畤生

生隰州黃河清於是書見九月括馬冬十月己未講武于繁

臺十一月壬寅赦亡命背軍影鯨刑徒於好畤之世小故必書

二年春正月丁酉渤海遣使者來己亥上郊于西都弒濟

陰王弒臣子之大惡也書濟陰王從其實書弒正梁罪名二月辛未契丹阿保機遣使者

來三月壬申朔如西都辛巳至也如往而未至之謂丙子如懷州

五代亂世兵無虛日不可悉書故用兵荒賤敗攻城無得失皆不書其

命大將與天子有所知自著大事爾此如懷澤者以兵方攻潞州也

丁丑如澤州戊寅封鴻臚卿李崧為二王後梁嘗置

而舊史悉壬午匡國軍節度使劉知俊為潞州行營招討使

癸巳改上郊張文蔚薨夏四月癸卯楊涉罷吏部侍郎于

兢為中書侍郎翰林學士承旨禮部侍郎張策為刑部侍

郎同中書門下平章事壬子至澤州五月己丑潞州行營

都雲修康懷英及晉人戰于夾城敗績築城圍潞戰于戊戌

立唐三廟契丹遣使者來六月壬寅忠武軍節度使劉知

俊為西路行營招討使以伐岐用兵之名自四兩相攻曰攻以

自往曰征隨事為文不得不異非有褒貶也已酉殺右金吾衛上將軍王師範滅

其族當殺曰伏誅不當殺丙辰劉知俊及岐人戰于莫谷敗之

秋九月丁丑如陝州以晉人攻博王友文留守東都冬十月

丁未至自陝州十一月癸巳張策罷左僕射揚涉同中書

門下平章事十二月己亥以介國公為三恪鄴國公萊國

公為二王後

三年春正月甲戌如西都復然燈以祈福然燈風俗相傳自天

同其奢樂而風俗較之大者庚寅享于太廟辛卯有事于南郊

祀天于南郊書曰大赦丙申群臣上尊號曰睿文聖武廣孝

皇帝二月壬戌講武于西杏園甲子延州高萬興叛于岐

來降唐末之亂強弱相并或去彼來此不可為常三月辛未渤

海國王天誣譏遣使者來甲戌如河中以高萬興降制知

南東道節度使楊師厚為潞州四面行營招討使劉知俊

取丹州夏四月丙午知俊克延鄜坊三州易傳曰取難得曰

五月己卯至自河中殺佑國軍節度使王重師六月庚戌

劉知俊執佑國軍節度使劉捍叛附于岐以身歸曰降以地歸

後為忠武軍節度使以同州附岐今直辛亥如陝州以劉知俊

卯其王朱友謙為同州東面行營招討使劉知俊奔于岐

丹州軍亂逐其刺史宋知誨秋七月商州軍亂逐其刺史

李稠稠奔于岐乙丑克丹州執其首惡王行思初不知首惡

軍亂既克而推得之也丹州無主將姓名行乙亥至自陝州甲申

襄州軍亂殺其留後王班智不足以備身才不足以治衆而見殺者

辛酉均州刺史張敬立克房州執揚虔閏月癸酉契丹遣

使者來已卯閱稼于西苑九月壬寅行營招討使左衛上

將軍陳暉克襄州執其首惡李洪命暉討亂推官史失不書至此始見既克而推得其首惡故

初亦且丁未保義軍節度使王檀為潞州東面行營招討使

辛亥韓建揚涉罷太常卿趙光逢為中書侍郎翰林學士

承旨工部侍郎杜曉為戶部侍郎同中書門下平章事辛

酉李洪揚虔伏誅冬十一月甲午日南至告謝于南郊不必書因其以至日告謝而書告謝主用至日故書

之不已有事于南郊亦從其本語蓋此南郊禮差簡巳酉搜訪賢良

鎮國軍節度使康懷英伐岐十二月懷英克寧慶行三州

及劉知俊戰于升平敗績

四年春正月壬辰朔始用樂自唐末之亂禮樂亡至此始用樂故書丁未講武

于榆林二月己丑閱稼于穀水秋八月丙寅如陝州以岐人晉人攻

夏州河南尹張宗奭留守西都辛未護國軍節度使楊師

厚為西路行營招討使以伐岐九月己丑至自陝州辛亥

搜訪賢良冬十一月己丑寧國軍節度使王景仁為北面

行營招討使以伐趙趙王王鎔比平王王處直叛附于晉

晉人救趙十二月癸酉頒律令格式

乾化元年春正月丁亥王景仁及晉人戰于栢鄉敗績庚

寅赦流罪以下囚求危言正諫癸巳天樞軍節度使楊師

厚為北面行營招討使夏四月壬申契丹阿保機遣使者

來五月甲申朔大赦改元癸巳幸張宗奭第秋八月戊辰

閱稼于榆林渤海遣使者來戊寅大閱于興安鞠場九月

辛巳朔御文明殿入閣御殿而云入閣錄其本語書日之以見禮失

書必見其庚子如魏州以晉人攻魏故也張宗奭留守西都冬十月丙

子大閱于魏東郊十一月高萬興取鹽州壬辰至自魏州

失足矣

五代史卷二

乙未回鶻吐蕃遣使者來

二年春二月丁巳光祿卿盧珽使于蜀如魏州人及魏

定攻相魏也張宗奭留守西都次白馬終左散騎常侍孫騰右諫

議大夫張衍兵部郎中張雋戊寅如貝州三月丙戌屠棗

彊書者著其醜之甚者丁未復如魏州夏四月己巳至自魏州不書如

此至東戊寅如西都五月丁亥德音降死罪已下囚德音赦之者從小其

本名以後徒林屠者及捕生渤海遣使者來是月薛貽矩薨

六月疾革郢王友珪反叛者皆此而附彼道臣於人也反自下而謀上

有不得而日反非一朝一夕不能得其日故反者皆不日戊寅皇帝崩年六十一不書崩處以異於得葬之河南伊闕縣號宣陵

以不得其死故不書葬

嗚呼天下之惡梁久矣自後唐以來皆以為偽也至予論

次五代獨不偽梁議者或譏予大失春秋之旨以謂梁負

大惡當加誅絕而反進之是將譽也非春秋之志也予應

之曰是春秋之志爾魯桓公弒隱公而自立者宣公弒子

赤而自立者鄭厲公逐世子忽而自立者衛公孫剽逐其

君弒而自立者聖人於春秋皆不絕其為君此予所以不

偽梁者用春秋之法也然則春秋亦將篡乎曰惟不絕四

者之為君於此見春秋之意也聖人之於春秋用意深故

能勸戒切為言信然後善惡明夫欲著其罪於後世在乎

不沒其實其實實為君矣書其為君其實實為君也書其篡

各傳其實而使後世信之則四君之罪不可得而掩爾使

為君者不得掩其惡然後人知惡名不可逃則為君者庶

乎其息矣是謂用音深而勸戒切為言信而善惡明也桀

紂不待貶其王而萬世所共惡者也春秋於大惡之君不

誅絕之者不害其祿，善敗惡之旨也。惟不沒其實，以著其罪，而信乎後世，與其為君而不得掩其惡，以息人之為惡，能知春秋之此意，然後知予不偽梁之旨也。

五代史記卷第二

五代史記卷第三

梁本紀三

宋歐陽脩撰徐無黨注明汪盛高濂傳汝舟校

末帝太祖第三子友貞也。未非謚號從其本語為人美容貌，沈厚寡言。

雅好儒士。太祖即位，封均王，為左天興軍使、東京馬步軍

都指揮使。乾化二年六月，太祖遇弒，友貞自立，殺博王友

文，以弒帝之罪歸之。以王為東京留守，後開封尹，敬翔為中

書侍郎、同中書門下平章事，戶部尚書李振為崇政院使。

明年友珪改元曰鳳曆。二月，駙馬都尉趙巖至東都，王私

與之語，遣馬橫交之。魏州見楊師厚計事，師厚遣小校王

惟賢至洛陽，告左龍虎統軍袁象先使討賊。是時懷州龍

驤屯兵叛，方捕索之王，乃偽為友珪詔書，發左右龍驤在

東都者皆還洛陽，因激怒之曰：「天子以懷州屯兵叛，追汝

等欲盡坑之諸將皆泣莫知所為王曰先皇帝經營王業三十餘年今日尚為友珪所殺汝等安所逃死乎因出太祖畫像示諸將而泣曰汝能趨洛陽擒逆賊則轉禍為福矣軍士皆呼萬歲請王為主王乃遣人趣象先等庚寅象先等以絲示兵討賊友珪死杜曉見殺象先遣趙巖持傳國寶至東都請王入洛陽王報曰夷門太祖所以興王業也北拒并汾東至淮海國家藩鎮多在東方必將出師利於便近是月皇帝即位于東都即位大事失其日而書是月復見亂之甚於東都終上文也復稱乾化三年復博王友文官爵三月丁未更名鎰夏五月楊師厚取滄州秋九月甲辰御史大夫姚洎為中書侍郎同中書門下平章事冬十二月晉人取幽州四年夏四月丁丑貶于兢為來州司馬武寧軍節度使蔣

殷及天平軍節度使牛存節討之

貞明元年春正月存節克徐州蔣殷自燔死故不書伏誅三月丁卯趙

光逢罷平虜軍節度使賀德倫為天雄軍節度使命官不書非常

而有故則書此書為天雄軍亂張本今其相澶衛州為昭德軍宣徽使張鈞

為節度使己丑天雄軍亂賀德倫叛附于晉軍亂書首惡不書而書德

倫叛責貴者深也德倫不可加以首惡而可責其不死以張彥實首惡而畧不書彥微者德倫可以誅而不誅故以德倫獨任其責可白也邠州李保衡叛于岐來附夏六月庚寅朔晉王

李存勗入于魏州遂取德州冬十月辛亥康王友孜反伏

誅反者不日誅反者有日故書十一月乙丑改元耀州温昭圖叛于岐

來附是歲更名瑱舊史失其日月

二年春二月丙申楊涉罷三月鎮南軍節度使劉鄩及晉

人戰于故元城敗績奔于滑州晉人取衛州惠州捉生都

將李霸反伏誅夏六月捉生都將張溫叛降于晉秋七月
晉人取相州張筠奔于京師安國軍節度使閻寶叛附于
晉八月丁酉太子太保致仕趙光逢為司空兼門下侍郎
同中書門下平章事九月晉人取滄州橫海軍節度使戴
思遠奔于京師晉人克貝州守將張源德死之書死得其死也冬
十月丁酉中書侍郎鄭珣同中書門下平章事

三年夏四月辛卯右千牛衛大將軍劉瑗使于契丹冬十
二月宣義軍節度使賀瓌為北面行營招討使己巳如西
都卜郊晉人取揚劉

四年正月不克郊己卯至自西都夏四月己酉尚書吏部
侍郎蕭瑒為中書侍郎同中書門下平章事己巳趙光逢
罷冬十二月庚子朔賀瓌殺其將謝彥章孟審澄侯溫裕

癸亥瓌及晉人戰于胡柳敗績是歲秦寧軍節度使張守
進叛于晉亳州團練使劉鄩為兖州安撫制置使以討之

舊史不書亡其日月故書于歲末為明年克亳州張本

五年春正月晉軍于德勝用兵無勝敗不書此梁晉得失所繫故書也秋八月乙

未朔開封尹王瓚為北面行營招討使冬十月劉鄩克兖
州張守進伏誅十二月晉人取濮陽天平軍節度使霍彥
威為北面行營招討使

六年夏四月己亥降死罪以下囚乙巳尚書左丞李琪為
中書侍郎同中書門下平章事河中節度使朱友謙襲同
州殺其節度使程全暉叛附于晉秦寧軍節度使劉鄩討
之秋七月陳州妖賊毋乙自稱天子九月庚寅供奉官郎
公遠為劫不丹歡好使冬十月毋乙伏誅

龍德元年春趙將張文禮殺其君鎔來乞師不許文禮初為鎔養子號

王德明此書張文禮者舊史也三月丁亥朔禁私度僧尼陳州刺史惠王友

能反夏五月丙戌朔德音改元降流罪已下囚秋赦友能

降封房陵侯天平軍節度使戴重遠為北面行營招討使

冬十月思遠及晉人戰于戚城敗績

二年春正月思遠襲魏州取成安秋八月滑州兵馬留後

段凝攻衛州執其刺史李存儒戴思遠克淇門共城新鄉

三年春三月潞州李繼勳叛于晉來附夏閏四月唐人取

鄆州晉末即位已自與梁為敵國至其建號於梁無所利害故不書唐建號而書唐人者因事而見爾五月庚申宣

義軍節度使王彥章為北面行營招討使取德勝南城秋

八月段凝為北面行營招討使先鋒將康延孝叛降于唐

冬十月甲戌宣義軍節度使王彥章及唐人戰于中都敗

績死之凡官皆不重書此書者嫌彥章早已罷招討使而與唐戰蓋罷使而別將以戰也唐人取曹州盜

竊傳國寶奔于唐戊寅皇帝崩年三梁亡書曰梁亡見唐莊宗立稱唐十月梁始亡見唐不待滅梁而立

立稱唐十月梁始亡見唐不待滅梁而立

五代史記卷第四

唐本紀四

宋歐陽脩撰徐無黨請妄盛高濂傳汝舟校

莊宗光聖神閔孝皇帝其先本號朱邪蓋出於西突厥至
 其後世別自號曰沙陀而以朱邪為姓唐德宗時有朱邪
 盡忠者居於北庭之金滿州貞元中吐蕃替普攻陷北庭
 徙盡忠於甘州而後屬之其後替普為回鶻所敗盡忠與
 其子執宜東走替普怒追之及于石門關盡忠戰死執宜
 獨走歸唐居之鹽州以隸河西節度使范希朝希朝徙鎮
 太原執宜從之居之定襄神武川之新城其部落萬騎皆
 驍勇善騎射號沙陀軍執宜死其子曰赤心懿宗咸通十
 年神策大將軍康承訓統十八將討龐勛於徐州以朱邪
 赤心為太原行營招討沙陀三郡落軍使以從破勛功拜

單于大都護振武軍節度使賜姓名曰李國昌以之屬籍
沙陀素彊而國昌恃功益橫恣懿宗患之十二年徙國昌
雲州刺史大同軍防禦使國昌稱疾拒命國昌子克用尤
善騎射能印中雙鳧為雲州守捉使國昌已拒命克用乃
殺大同軍防禦使段文楚據雲州自稱留後唐以太僕卿
盧簡方為振武節度使會幽并兵討之簡方行至鳳州軍
潰由是沙陀侵掠代北為邊患矣明年僖宗即位以謂前
太原節度使李業遇沙陀有因而業已死乃以其子鈞為
靈武節度使宣慰沙陀六州二部落使六州三部落皆不見其名處據唐書除使
有此以招緝之拜克用大同軍防禦使居久之國昌出擊党
項吐渾赫連鐸襲破振武克用聞之自雲州往迎國昌而
雲州人亦閉關拒之國昌父子無所歸因掠蔚朔間得兵

三千國昌入保蔚州克用還掠新城僖宗乃拜鐸大同軍
使以李鈞為代州招討使以討沙陀乾符五年沙陀破遮
虜軍又破崑崙軍而唐兵數敗沙陀由此益熾北據蔚朔
南侵忻代嵐石至于大谷焉廣明元年招討使李琢會幽
州李可舉雲州赫連鐸擊沙陀克用與可舉相距雄武軍
其叔父友金以蔚朔州降于琢克用聞之遽還可舉追至
藥兒嶺大敗之琢軍夾擊又敗之于蔚州沙陀大潰克用
父子亡入達勒克用少驍勇軍中號曰李鷓兒其一目眇
及其貴也又號獨眼龍其威名著於代北其在達勒人之
鬱鬱不得志又常懼其圖已因時時從其群豪歛獵或掛
針于木或立馬鞭百步歟之輒中群豪皆服以為神黃巢
已陷京師中和五年代北起軍使陳景思發沙陀先所降

者與吐渾安慶等萬人赴京師行至絳州沙陀軍亂大掠而還景思克沙陀非克用不可將乃以詔書召克用於達靼承制以為代州刺史鴈門以北行營節度使率蕃漢萬人出石嶺關過太原求發軍錢節度使鄭從讜與之錢千緡米千石克用怒縱兵大掠而還二年十一月景思克用復以步騎萬七千赴京師三年正月出于河中進屯乾坑巢黨驚曰鴟兒軍至矣二月敗巢將黃勣於石隄谷三月又敗趙璋尚讓於良田坡橫尸三十里是時諸鎮兵皆會長安大戰渭橋賊敗走入城克用乘勝追之自光泰門先入戰春宮昇陽殿巢敗南走出藍田關京師平克用功第一天子拜克用檢校司空同中書門下平章事河東節度使以國昌為鴈門以北行營節度使十月國昌卒十一月

遣其弟克脩攻昭義孟方立取其澤潞二州方立走山東

以邢洛磁三州自別為昭義軍昭義軍在唐時跨山東西管五州至是澤潞入于晉邢洛

磁孟氏據之故當時有兩昭義黃巢南走至蔡州降秦宗權遂攻陳州四年

克用以兵五萬救陳州出天井關假道河陽諸葛爽不許

乃自河中渡河四月敗尚讓於太康又敗黃勣于西華巢

且走且戰至中年臨河未渡而克用追及之賊衆驚潰北

至封丘又敗之巢脫身走克用追之一日夜馳三百里至

于寃昫不及而還過汴州休軍封禪寺朱全忠饗克用於

上源驛夜酒罷克用醉臥休兵發火起侍者郭景銖滅燭

匿克用牀下以水醒面而告以難會天大雨喊火克用得

從者薛鐵山賀回鶻等隨雷光縉尉氏門出還軍 七月

至于太原訟其事于京師請加兵於汴遣弟克脩將兵

人屯于河中以待僖宗和解之用破巢功封克用隴西郡王光啓元年河中王重榮與宦者田令孜有隙徙重榮交州以定州王處存為河中節度使詔克用以兵護處存之鎮克用不僭號故不稱王重榮使人給克用曰天子詔重榮俟克用至與處存共誅之因為為詔書示克用曰此朱全忠之謀也克用信之八上表請討全忠僖宗不許克用大怒重榮既不肯徙僖宗遣邠州朱玫鳳翔李昌符討之克用反以兵助重榮敗玫于沙苑遂犯京師縱火大掠天子出居于興元克用退屯河中朱玫亦反以兵追天子不及得襄王煚迫之稱帝屯于鳳翔僖宗念獨克用可以破玫而不能使也當破黃巢長安時天下兵馬都監楊復恭與克用善乃遣諫議大夫劉崇望以詔書召克用且道復恭意使進兵

討玫等克用陽諾而不行明年孟方立死弟遷立大順元年克用擊破孟遷取邢洛滋三州乃遣安金俊攻赫連鐸於雲州幽州李匡威救鐸戰於蔚州金俊大敗於是匡威鐸及朱全忠等皆請因其敗伐之昭宗以克用破黃巢功高不可伐下其事臺省四品官議議者多言不可宰相張濬獨以謂沙陀前逼僖宗幸興元罪當誅可伐軍容使楊復恭克用所善也亦極諫以為不可昭宗然之詔諭全忠等全忠陰賂濬使持其議益堅昭宗不得已以濬為大原四面行營兵馬都統韓建為副使是時潞州將馮霸叛降于梁梁遣葛從周入潞州唐以京兆尹孫揆為昭義軍節度使克用遣李存孝執揆于長子又遣康君立取潞州十一月濬及克用戰于陰地濬軍三敗濬建遜歸克用

兵大掠晉絳至于河中赤地千里克用上表自訴其辭慢侮天子為之引咎優詔去是二年二月復拜克用河東節度使隴西郡王加檢校太師兼中書令四月攻赫連鐸于雲州圍之百餘日鐸走吐渾八月太鬼于太原出晉絳掠懷孟至于邢州遂攻王鎔于鎮州克用柵常山西以十餘騎渡滹沱覘敵遇大雨平地水深數尺鎮人龍衣之克用匿林中禱其馬曰吾世有太原者馬不嘶馬偶不嘶以免前軍李存孝取臨城進攻无氏李匡威救鎔克用還軍邢州景福元年王鎔攻邢州李存信李嗣勳擊敗鎔于堯山二月會王處存攻鎔戰于新市為鎔所敗八月李匡威攻雲州以玄罕克用之兵克用潛入于雲州返出擊匡威匡威敗走十月李存孝以邢州叛二年存孝求援於王鎔克用出

兵并陘擊鎔且以書招鎔而急攻其平山鎔懼遂與克用通和獻帛五十萬匹出兵助攻邢州乾寧元年三月執存孝殺之冬攻幽州李匡儔弃城走追至景城見殺以劉仁恭為留後二年河中王重盈卒其諸子珂珙爭立克用請立珂鳳翔李茂貞邠寧王行瑜華州韓建請立珙昭宗初兩難之乃以宰相崔胤為河中節度使既而許克用立珂茂貞等怒三鎮兵犯京師聞克用亦起兵乃皆罷去六月克用攻絳州斬刺史王瑤瑤珙弟助珙以爭者七月至于河中同州王行約奔于京師陽言曰沙陀十萬至矣謀奉天子幸邠州茂貞假子闔圭亦謀劫幸鳳翔京師大亂昭宗出居于石門克用軍留月餘不進昭宗遣延王戒丕丹王允兄弟事克用且告急八月克用進軍渭橋以為邠寧四

走至慶州見殺克用還軍雲陽請擊手殺首昭宗慰勞克用使與茂貞解仇以紓難拜克用忠正平難功臣封晉王是時晉軍渭北遇雨六十日或勸克用入朝克用未決都押衙蓋寓曰天子還自石門寢未安席若晉兵渡渭人何豈復能安勤王而已何必朝哉克用笑曰蓋寓猶不信我况天下乎乃收軍而還 年正月昭宗復以張濬為相克用曰此朱全忠之謀也乃上表曰若陛下朝以濬為相則臣將暮至闕廷京師大恐濬命遽止朱全忠之攻交鄆也克用遣李存信假道魏州以救朱宣等存信屯于莘縣軍士侵掠魏境羅弘信伏兵攻之存信敗走洛州克用自將擊魏戰于洹水亡其子落落六月破魏成安洹水臨漳等十餘

邑十月又敗魏人于白龍潭進攻觀音門全忠救至乃解四年劉仁恭叛晉克用以兵五萬擊仁恭戰于安塞克用大敗光化元年朱全忠遣葛從周攻下邢洛磁三州克用遣周德威出青山口遇從周于張公橋德威大敗冬潞州守將薛志勤卒李罕之據潞州叛附于朱全忠二年全忠遣氏叔琮攻破承天軍又破遼州至于榆次周德威敗之于洞渦秋李嗣昭復取澤潞三年嗣昭敗汴軍于沙河復取洛州朱全忠自將圍之嗣昭走至青山口遇汴伏兵嗣昭大敗秋嗣昭取懷州是歲汴人攻鎮定鎮定皆絕晉以附于朱全忠天復元年全忠封梁王梁攻下晉絳河中執王珂以歸晉失三與國乃下意為書幣聘梁以求和梁王以為晉弱可取乃曰晉雖請盟而書辭慢因大舉擊晉四

月氏叔琮入天井張文敬入新口葛從周入土門王處直入飛狐侯言入陰地叔琮取澤潞其別將白奉國破承天軍遼州守將張鄂汾州守將李瑋皆迎梁軍降晉人大懼會天大雨霖梁兵多疾皆解去五月晉復取汾州誅李瑋六月周德威李嗣昭取慈隰二年進攻晉絳大敗于蒲縣梁軍乘勝破汾慈隰三州遂圍太原克用大懼謀出奔雲州又欲奔匈奴未決而梁軍大疫解去周德威復取汾慈隰三州四年梁遷唐都於洛陽改元曰天祐克用以謂劫天子以遷都者梁也天祐非唐號不可稱乃仍稱天復五年會契丹阿保機於雲中約為兄弟六年梁攻燕滄州燕王劉仁恭來乞師克用恨仁恭反覆欲不許其子存勗諫曰此吾復振之時也今天下之勢歸梁者十七八疆如趙

魏中山莫不聽命是自河以北無為梁患者其所憚者惟我與仁恭耳若燕晉合勢非梁之福也夫為天下者不顧小怨且彼常困我而我急其難可因以德而懷之是謂一舉而兩得此不可失之機也克用以為然乃為燕出兵攻破潞州梁圍乃解去以李嗣昭為潞州留後七年梁兵十萬攻潞州圍以夾城遣周德威救潞州軍于亂柳冬克用疾是歲梁滅唐克用復稱天祐四年正月辛卯克用卒年五十三子存勗立葬克用於鴈門

嗚呼世久而失其傳者多矣豈獨史官之謬哉李氏之先蓋出於西突厥本號朱邪至其後世別自號曰沙陀而以朱邪為姓拔野古為始祖其自序云沙陀者北庭之積也當唐太宗時破西突厥諸部分同羅僕骨之人於此噴

沙陀府而以其始祖拔野古為都督其傳子孫數世皆為沙陀都督故其後世因自號沙陀然予老于傳記其說皆非也夷狄無姓氏朱邪部族之號耳拔野古與朱邪同時人非其始祖而唐太宗時未嘗有沙陀府也唐太宗破西突厥分其諸部置十三州以同羅為龜林都督府僕骨為金微都督府拔野古為幽陵都督府未嘗有沙陀府也當是時西突厥有鐵勒薛延陀阿史那之類為最大其別部有同羅僕骨拔野古等以十數蓋其小者也又有處月處密諸部又其小者也朱邪者處月別部之號耳太宗二十二年已降拔野古其明年阿史那賀魯叛至高宗永徽二年處月朱邪孤注從賀魯戰于牢山為契苾何力所敗遂沒不見後百五十六年當憲宗時有朱邪盡忠及子執宜見於中國而自號沙陀以朱邪為姓矣蓋沙陀者大磧也在金莎山之陽蒲類海之東自處月以來居此磧號沙陀突厥而夷狄無文字傳記朱邪又微不足錄故其後世自失其傳至盡忠孫始賜姓李氏後大而夷狄之人遂以沙陀為貴種云

五代史記卷第五

唐本紀五

宋歐陽脩撰徐無黨注明汪文盛高濂傳汝舟校

存勗克用長子也初克用破孟方立于邢州還軍上黨置酒三垂崗伶人奏百年歌至于衰老之際聲辭甚悲坐上皆悽愴時存勗在側方五歲克用慨然捋鬚指而笑曰吾行老矣此奇兒也後二十年其能代我戰于此乎存勗年十一從克用破王行瑜遣獻捷于京師昭宗異其狀貌賜以鸚鵡^{鸚鵡}卮翡翠盤而撫其背曰兒有奇表後當富貴無忘子家及長善騎射膽勇過人稍習春秋通大義尤喜音聲歌舞能優之戲天祐五年正月即王位于太原叔父克寧殺都盧侯李存質倖臣史敬鎔告克寧謀叛二月執而戕之且以先王之喪叔父之難告周德威德威自亂抑還軍

太原梁夾城兵聞晉有大喪德威軍且去因頗懈王謂諸將曰梁人幸我大喪謂我少而新立無能為也宜乘其怠擊之乃出兵趨上黨行至三垂崗歎曰此先王置酒處也會是大霧晝暝兵行霧中攻其夾城破之梁軍大敗凱旋告廟九月蜀王王建岐王李茂貞及楊崇本攻梁大安晉亦遣周德威攻其晉州敗梁軍于神山六年劉知俊叛梁來乞師王自將至陰地關遣周德威攻晉州敗梁軍于蒙阮七年冬梁遣王景仁攻趙趙王王鎔來乞師諸將皆疑鎔詐未可出兵王不聽乃救趙八年正月敗梁軍于柏鄉斬首二萬級獲其將校三百人馬三千匹進攻邢州不下留兵圍之去攻魏別遣周德威徇梁夏津高唐攻博州破東武朝城遂擊黎陽臨河淇門掠新鄉共城燕王劉守光

聞晉攻梁深入乃大治兵聲言助晉王患之乃旋師七月會趙王王鎔于承天軍劉守光稱帝于燕九年正月遣周德威會鎮定以攻燕守光求救於梁梁軍攻趙屠棗彊季存審擊季走之八月朱友謙以河中叛于梁來降梁遣康懷英討友謙友謙復臣于梁而亦陰附于晉十年十月劉守光請降王如幽州守光背約不降攻破之十一年殺燕王劉守光于太原用其父仁恭半鴈門割心以於祭墓也於是趙王王鎔比平王王處直奉冊推王為尚書令始建行臺七月攻梁邢州戰于張公橋晉軍大敗十二年魏州軍亂賀德倫以魏博二州叛于梁來附王入魏州行至永濟誅其亂首張彥以其兵五百自衛號帳前銀鎗軍六月王無領魏博節度使取德州七月取澶州劉鄩軍于洹水王率百騎覘其

營遇郭伏兵圍之數重決圍而出亡七八騎八月梁復取
澶州晉軍與郭對壘于莘晉軍數挑戰郭閉壁不出十三
年正月王留李存審于莘聲言西歸郭聞晉王且去即引
兵擊魏攻城東王行至貝州返擊郭大敗之追至于故元
城又敗之郭走黎陽三月攻梁衛州降其刺史來昭克礮
州後其刺史靳昭四月克洛州八月圍邢州降其節度使
閻寶梁張筠奔相州戴思遠奔滄州而逃遂取二州貝州
人殺梁守將張源德以城降契丹寇蔚州執振武節度使
李嗣本十四年契丹寇新州遂寇幽州李嗣源擊走之冬
梁謝彥章軍于楊劉十二月攻楊劉王自負芻以堙漸去遂
破之十五年正月梁晉相拒于楊劉彥章決河水以隔晉
軍六月渡水擊彥章破其四寨八月大閱于魏合盧龍橫

海昭義安國及鎮定之兵十萬馬萬匹軍于麻家渡謝彥
章軍于行臺十一月進軍臨滌梁軍追之戰于胡柳晉軍
大敗周德威死之梁軍暮休于土山晉軍復擊大敗之遂
軍德勝為夾寨十六年正月王無領盧龍軍節度使梁王
瓚攻德勝南城不克十月廣德勝北城十二月敗梁軍于
河南十七年朱友謙罷衣同州梁遣劉鄩擊友謙李存審敗
梁軍于同州十八年正月魏州僧傳直獻唐受命寶一趙
將張文禮弒其君鎔文禮來請命二月以文禮為鎮州兵
馬留後三月河中節度使朱友謙昭義軍節度使李嗣昭
橫海軍節度使李存審義武軍節度使王處直安國軍節
度使李嗣源鎮州兵馬留後張文禮領天平軍節度使閻
寶大同軍節度使李存璋振武軍節度使李存進匡國軍

節度使朱令德請王即皇帝位王三辭友謙等三請王曰
予當思之八月遣趙王王鎔故將符習及閻寶史建瑋等
攻張文禮於鎮州建瑋取趙州張文禮卒其子處瑾門城
拒守九月建瑋戰死十月梁戴思遠攻德勝北城李嗣源
敗之于戚城王處直叛附于契丹其子都幽處直以來附
十二月契丹寇涿州遂寇定州十九年正月敗契丹于新
城望都追奔至于幽州三月閻寶敗于鎮州以李嗣昭代
之四月嗣昭戰死以李存進代之八月梁取衛州九月存
進敗鎮人于東垣存進戰死十月李存審告鎮州王兼領
成德軍節度使

同光元年春三月李繼韜以潞州叛附于梁夏四月己巳
皇帝即位大赦改元國號唐行臺左丞相豆盧革為門下

侍郎右丞相盧程為中書侍郎同中書門下平章事

使郭崇韜昭義監軍張居翰為樞密使樞密使唐故以宦者為之其職甚微至此始參用士人而與宰相推任鈞矣故與宰相並書

魏州為東京太原為西京鎮州為北

都閏月追尊祖考為皇帝妣為皇后曾祖執宜祖妣崔氏

皆謚曰昭烈廟號懿祖祖國昌祖妣秦氏皆謚曰文景廟

號獻祖考謚曰武廟號太祖立廟于太原自唐高祖太宗

懿宗昭宗為七廟追尊祖考則立廟可知故世且不書廟此書者以立高祖已下四廟故也此大事也舊史失其目

壬寅李嗣源取鄆州後唐太祖置義兒軍如李嗣昭等其眾初皆賜姓名不爾不以子書也與友文從珂異

五月辛酉梁人取德勝南城六月及王彥

章戰于新壘敗之是月盧程罷秋八月梁人克澤州唐末澤州屬潞州

裴約死之九月戊辰李嗣源及王彥章戰于漣坊敗之冬

晉梁初已得澤州至此又屬晉而梁克之中間不見晉得澤州年

月蓋舊史闕不書五代之亂戰爭攻取彼此得失不常多類此也守將

十月壬申如鄆州以襲梁其不備疾馳而入之故甲戌取中

都丁丑取曹州己卯滅梁敬翔自殺梁敬翔自為河東臣梁所以亡再之

不書死而書自殺死大節也見不輕予人也丙戌貶鄭珪為萊州司戶參軍蕭頊登州

司戶參軍殺李振趙巖張漢傑朱珪滅其族己丑德音降

死罪囚流已下原之十一月乙巳復北都為鎮州太原為

北都丙辰復汴州為宣武軍丁巳尚書左丞趙光胤為中

書侍郎禮部侍郎韋說同中書門下平章事戊午新羅國

王金朴英遣使者來辛酉復永平軍為西都甲子如洛京

洛京從十二月庚午朔至自汴州辛巳李繼韜伏誅繼韜之

弟繼達殺其兄繼傳于潞州繼傳以被殺書非不予其死蓋繼連

同壬辰敗于伊闕

二年春正月河南尹張全義及諸鎮進暖殿物己酉求唐

宦者凡書過惡辭無幾敗者直書其實而自見也庚戌新羅國王金朴英及其泉

州節度使王逢規皆遣使來乙卯渤海國王大諲譔使

大禹謨來庚申如河陽迎皇太后也太后曹氏莊宗母也莊宗即位遣

辛酉至自河陽丁卯七廟神主至自太原祔于太廟朝

獻于太微宮戊辰享于太廟二月己巳朔有事于南郊大

赦癸酉君臣上尊號曰昭文睿武光孝皇帝戊寅幸李嗣

源第癸未立劉氏為皇后五代十三君立后者七辭有不同立得其正

直曰立某氏為皇后庶者曰立其妃某夫人某氏為皇后其不正者

洛南郊立仗軍士等功臣庚申工部郎中李塗為檢視諸

陵使唐諸帝陵也潞州將楊立及夏五月壬寅教坊使陳俊為

景州刺史內園栽接使儲德源為憲州刺史命官不書此丙

辰渤海國王大諲譔遣使者來丙寅李嗣源克潞州不書命

六月丙子楊立伏誅己丑封回紇王仁美為英義可汗

秋七月己酉如雷山賽天神夷狄之事也八月大雨霖河益九月

壬子置水于城門以禳災惑本紀書灾不書異災惑為置水非禮書爾見其有思禍之意而不知畏天

以修德水旱風蝗之類害物者災也故書其變逆常理不知所以然者異也以其不可知故不書甲寅幸郭崇韜第丙

辰黑水遣使者來冬十月癸未左龍威軍將趙暉妻一產

三男子此亦變異而書者重人事故謹之後世十一月癸卯改于

伊闕丙午至自伊闕書至見其留四日而荒甚丁巳回鶻使都督安千想

來十二月庚午及皇后幸張全義第

三年春正月庚子如東京毀即位壇為鞠場二月己巳聚

鞠于新場乙亥射鴈于王莽河辛巳突厥渾解樓渤海國

王大譴讓皆遣使者來射鴈于北郊乙酉射鴨于郭汭庚

寅射鴈于北郊三月乙未寒食均祭于西郊俚俗之祭也非禮故書庚

申至自東京辛酉改東京為鄴都洛京為東都夏四月

乙亥及皇后幸郭崇韜朱漢賓第皇庚寅趙光胤薨五月

丁酉皇太妃薨廢朝五日太祖正室於莊宗為嫡母書太妃及輟朝見亂世禮壞而因薄已酉黑

水女真皆遣使者來六月辛未宗正卿李紆為昭宗少帝

改卜園陵使少帝濟陰王也梁冀諡曰哀皇帝唐人謂之少帝從其本語括馬秋七月壬寅皇

太后崩不書冊自皇太后后已見上注八月癸未殺河南縣令羅貫九月庚子

魏王繼岌為西川四面行營都統郭崇韜為招討使以伐

蜀自六月雨至于是月丁巳射鴈于尖山冬十月壬午奚

吐渾突厥皆遣使者來戊子葬貞簡太后于坤陵十一月

丁未高懸遣使者來己酉蜀王衍降唐兵入蜀不攻不戰君臣迎降故直書其實以見下書

殺衍為殺降郭崇韜殺王宗弼及其弟宗渥宗訓滅其族十二月

己卯改于白沙癸未至自白沙閏月辛亥封弟存美為邕

五代史卷五十五

王存霸永王存禮薛王存渥申王存乂睦王存確通王存紀雅王

四年春正月壬戌降死罪以下囚甲子魏王繼岌殺郭崇

韜及其三子于蜀實皇后劉氏作教與繼岌使殺崇韜而書繼岌殺者繼岌將兵在外后教非天子命可止而不止

戊寅契丹使梅老鞋里來庚辰殺其弟睦王存乂及河中

護國軍節度使李繼麟滅其族乙酉沙州曹義金遣使者

來丙戌回鶻阿咄欲遣使者來丁亥殺李繼麟之將史武

薛敬容周唐殷楊師大王景來仁白奉國皆滅其族二月

己丑宣徽南院使李紹宏為樞密使癸巳鄴都軍將趙在

禮反于貝州反者比日不日獨在禮書日推迹其心可知爾其事具本傳禮原其本心而與於佗反者於此見凡書人善惡不安加之也如此甲午敗于冷泉趙在禮陷鄴都

武寧軍節度使李紹榮討邢州軍將趙太及東北面招

討使李紹崇討之甲辰成德軍節度使李嗣源討趙在禮

三月趙太伏誅李嗣源反博州守將崔建自稱刺史甲子

殺王衍滅甘族詐其不死降而殺之又滅其族於後非罪也為其而書無異辭者前書於路義自見也乙丑如

汴州壬申次滎澤龍驤指遣使姚彥溫以前鋒軍叛降于

李嗣源嗣源入于汴州甲戌至自萬勝帝至萬勝鎮聞嗣源已入汴州乃還從

馬直指揮使郭從謙反夏四月丁亥朔皇帝崩年四十三帝尸

宗入洛得其骨也蓋天成元年七月葬并之河南新安縣號

雍陵至晉避廟號更曰伊陵其不書葬與梁太祖同

三才圖會

卷之五



